

# INFORMACIONI LIST ZA FIZIČKA LICA



Informiranje Korisnika leasinga / Sudožnika / Mjениčnih dužnika u pregovaračkoj fazi

## Podaci o Davatelju leasinga

Sparkasse Leasing d.o.o. Sarajevo

Zmaja od Bosne 7, 71000 Sarajevo / BiH

Tel / Fax: 033/565-850, 033/208-863

E-mail: info@s-leasing.ba

www.sparkasseleasing.ba

ID br: 4201245390009, PDV br: 201245390009

Transakcijski r:n: 199-049-00066554-11 kod Sparkasse Bank d.d. BiH

## Definicije

### 1. Finansijski leasing

Finansijski leasing je pravni posao u kojem Davatelj leasinga prenosi pravo posjedovanja i korištenja predmeta leasinga na Korisnika leasinga na određeni vremenski rok, a za uzvrat se Korisnik leasinga obavezuje mu za to plaćati ugovorenu leasing naknadu. Finansijski leasing je pravni posao u kojem Korisnik leasinga u periodu posjedovanja i korištenja predmeta leasinga plaća ugovorenu leasing naknadu sa opcijom kupovine i sticanja prava vlasništva nad predmetom leasinga i snosi sve troškove amortizacije predmeta leasinga. Period finansiranja moguć do 60 mjeseci. Vlasništvo nad predmetom leasinga prenosi se plaćanjem posljednje rate i svih ostalih obaveza vezanih za Ugovor o finansijskom leasingu.

### 2. Operativni leasing

Operativni leasing je pravni posao u kojem Davatelj leasinga prenosi pravo posjedovanja i korištenja predmeta leasinga na Korisnika leasinga na određeni vremenski rok, a za uzvrat se Korisnik leasinga obavezuje mu za to plaćati ugovorenu leasing naknadu. Operativni leasing je pravni posao u kojem Korisnik leasinga u periodu posjedovanja i korištenja predmeta leasinga plaća ugovorenu leasing naknadu bez opcije kupovine i sticanja prava vlasništva nad predmetom leasinga, Davatelj leasinga snosi troškove amortizacije predmeta leasinga. Period finansiranja moguć do 53 mjeseca.

Istekom Ugovora o operativnom leasingu, Korisnik leasinga je dužan Davatelju leasinga vratiti predmet leasinga u urednom stanju, sposobnom i sigurnom za funkcioniranje, a koje odgovara normalnoj amortizaciji, sa ugovorenim maksimalnim satima rada/kilometražom, sa svim dokumentima, dokazima o servisiranju i ključevima.

### 3. Davatelj leasinga

Sparkasse Leasing d.o.o. Sarajevo, društvo registrovano za leasing poslove.

### 4. Korisnik leasinga

Fizičko lice koje se za Davateljem leasinga zaključilo Ugovor o leasingu, a koji uzima predmet leasinga u posjed, te se obavezuje Davatelju leasinga za to plaćati ugovorenu leasing naknadu.

### 5. Sudožnik

Pravno lice odgovorno za naplatu svih potraživanja Davatelja leasinga iz zaključenog Ugovora o leasingu jednako kao i Korisnik leasinga.

### 6. Mjениčni dužnik

Označava izdavaoca mjениce, per avala, indosanta ili bilo koje drugo lice koje se obavezalo isplatiti iznos iz mjениce/a koje služe kao sredstvo osiguranja potraživanja po osnovu ugovora o leasingu, bez obzira da li se po ugovoru o leasingu ima status korisnika leasinga ili ne

### 7. Učesće

Učesće je novčani iznos koji Korisnik leasinga plaća prilikom sklapanja Ugovora o finansijskom leasingu, koji umanjuje osnovicu za izračun leasing rata i koji se ne vraća Korisniku leasinga u slučaju raskida Ugovora o finansijskom leasingu.

### 8. Iznos finansiranja

Novčani iznos koji se dobije kada se od neto nabavne vrijednosti predmeta leasinga oduzme učesće. To je iznos koji Korisnik leasinga otplaćuje u mjesečnim ratama u ugovorenom periodu trajanja Ugovora o leasingu.

### 9. Leasing rate

Ugovoreni novčani iznos, koji se Korisnik leasinga obavezuje plaćati Davatelju leasinga u određenim vremenskim razmacima.

## Dokumentacija potrebna za odobrenje leasinga

\* Potvrda poslodavca o stalnom zaposlenju (original ili ovjerena kopija).

\* Isplatne liste plaće za zadnja 3 mjeseca (ili potvrda poslodavca o visini primanja), a za umirovljenike/penzionere odresci o mirovini/penziji za isto razdoblje (original ili ovjerena kopija).

\* Popunjen i ovjeren obrazac "Zahtjev za odobrenje leasinga".

\* Potpisana leasing ponuda i informacijski list.

\* Dokaz o dodatnim primanjima ako ih ima, (original ili ovjerena kopija).

\* Kopija lične karte (ovjerena kopija)

\* Potvrda o mjestu prebivališta/boravišta (ovjerena kopija)

\* Ponuda dobavljača za nabavku vozila.

Pored navedene dokumentacije, Davatelj leasinga zadržava pravo da od Korisnika leasinga i Sudožnika zahtjeva dodatnu dokumentaciju i informacije kao uslov za uspostavu poslovne suradnje.

## Identifikacija Korisnika leasinga / Sudožnika / Mjениčnog dužnika (ukoliko postoji) i procjena kreditne sposobnosti

Korisnik leasinga i Sudožnik i Mjениčni dužnik (ukoliko postoji) je obavezan Davatelju leasinga dostaviti dokumentaciju potrebnu za identifikaciju i odobrenje leasinga prije uspostave bilo kakvog poslovnog odnosa. Davatelj leasinga prije, tokom ili nakon uspostave poslovnog odnosa sa Korisnikom leasinga poduzima zakonom propisane radnje i mjere za sprečavanje i otkrivanje pranja novca i finansiranja terorizma.

Prije potpisivanja Ugovora o leasingu, Davatelj leasinga je obavezan izvršiti procjenu kreditne sposobnosti Korisnika leasinga i Sudožnika (ukoliko postoji), a na osnovu podataka i dokumentacije koju dobije od njega, te uvidom u bazu podataka kod Centralne banke BiH o njegovoj zaduženosti, a sve uz njegovu prethodnu pismenu saglasnost.

Davatelj leasinga slobodno odlučuje o izboru Korisnika leasinga i Sudožnika i Mjениčnog dužnika (ukoliko postoji) u skladu sa važećim propisima i svojim internim aktima i odlukama, što uključuje i diskreciono pravo da odbije zaključivanje Ugovora o leasingu.

## Kamate

**Nominalna kamatna stopa** može biti fiksna ili promjenjiva kamatna stopa.

Ugovaranjem fiksne kamatne stope, iznos leasing rate se ne mijenja za cijelokupno vrijeme trajanja Ugovora o finansijskom leasingu.

Promjenjiva nominalna kamatna stopa vezana je za 6-mjesečni Euribor. Euribor je referentna kamatna stopa koja se utvrđuje na evropskom međubankarskom tržištu. Euribor predstavlja prosjek kamatnih stopa po kojima se više od 50 evropskih banaka međusobno posuđuje sredstva i kao takav smatra se najvažnijom referentnom kamatnom stopom evropskog novčanog tržišta.

Usklađivanje kamatne stope se vrši dva puta godišnje prema indeksu 6-mjesečnog Euribora i to zadnjeg radnog dana u mjesecu junu i zadnjeg radnog dana u mjesecu decembru. Usklađivanje prema indeksu 6-mjesečnog Euribora će se vršiti do njegove procentualne vrijednosti od 0,00%. Za sve vrijednosti 6-mjesečnog Euribora ispod procentualne vrijednosti 0,00% usklađivanje se neće vršiti.

**Efektivna kamatna stopa** je diskontna stopa koja izjednačava, na godišnjoj osnovi, sadašnje vrijednosti svih novčanih tokova, odnosno sadašnje vrijednosti svih novčanih primanja sa sadašnjim vrijednostima svih novčanih izdataka po osnovu korištenja finansijskih usluga, koje su poznate u momentu iskazivanja ove stope.

**Interkalarna kamata** jednaka je redovnoj kamati i obračunava se za period od plaćanja predmeta leasinga dobavljaču do datuma prave leasing rate.

**Zakonska zatezna kamata** se zaračunava u slučaju da Korisnik leasinga ne izmiri svoje obaveze u roku njihove dospelosti, u iznosu od 12% p.a.dek.na broj dana za koji je Korisnik leasinga u kašnjenju.

## Valuta finansiranja

Novčane obaveze se ugovaraju u stranoj valuti EUR. Sva plaćanja u korist Davatelja leasinga vrše se u KM (konvertibilnim markama) prema srednjem kursu Centralne banke BiH na dan uplate na transakcijski račun: 199-049-00066554-11.

## Naknade i troškovi koji padaju na teret Korisnika leasinga

Korisnik leasinga prilikom zaključenja Ugovora o leasingu plaća naknade i troškove kako slijedi:

- \* Trošak obrade ugovora
- \* Trošak upisa zaloga u Registar zaloga
- \* Učešće
- \* Iznos PDV-a (kod finansijskog leasinga)
- \* Trošak kupovne mjenice.

Svi troškovi i naknade koji se odnose na registraciju, obavezno osiguranje, kasko osiguranje, te svi ostali troškovi koji se odnose na održavanje predmeta leasinga za cjelokupno vrijeme trajanja Ugovora o leasingu, snosi Korisnik leasinga. U slučaju Ugovora o operativnom leasingu, navedeni troškovi mogu biti uključeni u leasing naknadu. Troškovi notarskih usluga, u skladu sa važećom tarifom, ukoliko je potrebno radi realizacije leasing finansiranja, padaju na teret Korisnika leasinga.

Troškovi izdavanja opomena Korisniku leasinga u slučaju kašnjenja u izmiranju dospjelih obaveza, se ne zaračunava.

U slučaju raskida Ugovora o leasingu, na teret Korisnika leasinga padaju svi troškovi u vezi sa povratom u posjed predmeta leasinga, te odvijetnički, sudski i drugi troškovi.

Na web stranici Davatelja leasinga objavljena je Odluka o troškovima, posebni naknadama i izdacima, a u kojoj su navedeni ostali troškovi / naknade koje Davatelj leasinga može zaračunati iz i na temelju Ugovora o leasingu.

## Osiguranje predmeta leasinga

Korisnik leasinga je dužan za svom trošku, za cjelokupno vrijeme trajanja Ugovora o leasingu, u ime Davatelja leasinga kao korisnika osiguranja zaključiti ugovor o kasko ili imovinskom osiguranju, zavisno od vrste predmeta leasinga. Za putnička vozila se ugovara puno kasko osiguranje na novonabavnu bruto vrijednost vozila, bez franšiza za štetu ili krađu. Osiguranje se ugovara i plaća putem posrednika S-Premium d.o.o. Sarajevo.

## Instrumenti osiguranja naplate

Instrumenti osiguranja naplate:

- \* Bjanko sopstvena Mjenice sa klauzulom "bez protesta" potpisana od Korisnika leasinga, zajedno sa mjeničnim ovlaštenjem.
  - \* Bjanko sopstvena Mjenice sa klauzulom "bez protesta" potpisana od Sudužnika (ukoliko postoji), zajedno sa mjeničnim ovlaštenjem.
  - \* Bjanko sopstvena Mjenice sa klauzulom "bez protesta" potpisana od Mjeničnog dužnika (ukoliko postoji), zajedno sa mjeničnim ovlaštenjem.
  - \* Potpisana i ovjerenjena administrativna zabrana na plaću i druga lična primanja Korisnika leasinga.
  - \* Potpisana i ovjerenjena administrativna zabrana na plaću i druga lična primanja Sudužnika (ukoliko postoji).
  - \* Potpisana i ovjerenjena administrativna zabrana na plaću i druga lična primanja Mjeničnog dužnika (ukoliko postoji).
  - \* Založno pravo na predmetu leasinga (upis zaloga u Registar zaloga kod Ministarstva pravde BiH).
- Davatelj leasinga zadržava pravo da zahtjeva i druga sredstva obezbjeđenja naplate, prihvatljive za Davatelja leasinga u skladu sa Odlukom Uprave.

## Upozorenje u vezi sa posljedicama propuštanja izmirenja obaveza

O kašnjenju u izmiranju obaveza iz zaključenog Ugovora o leasingu, Davatelj leasinga će obavijestiti Korisnika leasinga, Mjeničnog dužnika i Sudužnika (ukoliko postoji) putem pisanih opomena. Trošak izdavanja opomena se ne zaračunava. U slučaju kašnjenja u izmiranju obaveza iz zaključenog Ugovora o leasingu, Davatelj leasinga ima pravo da naplati zakonsku zateznu kamatu za dospjele a neplaćene iznose od datuma dospjeća do datuma kada ti iznosi budu doznačeni na račun Davatelja leasinga.

Ukoliko Korisnik leasinga svoje obaveze po poslatim opomenama ne izmiri u datom vremenskom periodu, Davatelj leasinga je ovlašten poduzeti ostale radnje usmjerene na naplatu potraživanja, uključujući aktiviranje sredstava osiguranja potraživanja Korisnika leasinga, Mjeničnog dužnika i Sudužnika.

Davatelj leasinga ima pravo da raskine Ugovor o leasingu i svoje potraživanje proglasi dospjelim, te da zahtjeva naplatu cjelokupnog potraživanja. U tom slučaju Korisnik leasinga više nije ovlašten držati niti koristiti predmet leasinga, te je ujedno obavezan isti bez odgađanja vratiti Davatelju leasinga u sposobnom i sigurnom za funkcioniranje, a koje odgovara normalnoj amortizaciji, sa ugovorenim maksimalnim satima rada/kilometražom, sa svim dokumentima, dokazima o servisiranju i ključevima.

U slučaju da Korisnik leasinga nakon raskida Ugovora o leasingu ne izvrši povrat predmeta leasinga Davatelju leasinga, Davatelj leasinga ima pravo, zakonom dozvoljenim radnjama vratiti predmet leasinga u posjed.

U slučaju finansijskog leasinga, prodajom vraćenog predmeta leasinga, zatvoriće se potraživanja iz predmetnog ugovora. Korisnik leasinga je obavezan nadoknaditi eventualnu razliku, ukoliko se od ostvarene prodaje predmeta leasinga ne mogu zatvoriti ukupna potraživanja iz Ugovora o finansijskom leasingu. Ukoliko se ostvari veća prodajna cijena od ukupnih potraživanja po Ugovoru o finansijskom leasingu, višak sredstava će se isplatiti Korisniku leasinga.

## Informacije o osnovnim pravima Korisnika leasinga

### Pravo Korisnika leasinga na odustanak od zaključenog Ugovora o finansijskom leasingu:

Davatelj leasinga neće izvršiti plaćanje predmeta leasinga prema dobavljaču, prije isteka roka od 14 dana od dana zaključenja Ugovora o finansijskom leasingu, osim na izričit pismeni zahtjev Korisnika leasinga.

Korisnik leasinga ima pravo odustati od zaključenog Ugovora o finansijskom leasingu u roku od 14 dana od dana zaključenja istog, bez navođenja razloga za odustanak. Prije isteka navedenog roka Korisnik leasinga je obavezan o svojoj namjeri pismenim putem obavijestiti Davatelja leasinga, pri čemu se datum prijema tog obavještenja smatra danom odustanka od ugovora. Korisnik leasinga koji odustane od Ugovora o finansijskom leasingu dužan je Davatelju leasinga odmah po slanju obavještenja vratiti predmet leasinga. Korisnik leasinga je dužan odmah, a najkasnije u roku od 30 dana od dana slanja obavještenja, Davatelju leasinga nadoknaditi pretrpljenu štetu ako je došlo do umanjenja vrijednosti predmeta leasinga i platiti ugovorenu kamatu iz osnovnog posla od dana zaključenja ugovora do dana plaćanja kamate.

### Prijevremena otplata kod zaključenog Ugovora o finansijskom leasingu.

Korisnik leasinga ima pravo u bilo kojem momentu otplatiti obaveze iz Ugovora o finansijskom leasingu, u potpunosti ili djelimično, prije roka određenog za vraćanje, pri čemu ima pravo na umanjenje ukupnih troškova leasinga za iznos kamate i troškova za preostali period trajanja ugovora (prijevremena otplata), ali je dužan o namjeri prijevremene otplate leasinga unaprijed obavijestiti Davatelja leasinga u ugovorenom roku.

U slučaju prijevremene otplate leasinga, Davatelj leasinga ima pravo na objektivno opravdanu i ugovorenu naknadu troškova koji su direktno u vezi sa prijevremenom otplatom leasinga, pod uslovom da je prijevremena otplata izvršena u periodu tokom kojeg se primjenjivala fiksna nominalna kamatna stopa.

Naknada iz predhodnog stava se ugovara do visine pretrpljene štete zbog prijevremene otplate, a najviše do 1% iznosa prijevremeno oplaćenog leasinga i to ako je period između prijevremene otplate i roka ispunjenja obaveze iz Ugovora o finansijskom leasingu duži od jedne godine. Ako je to period kraći od jedne godine naknada ne može biti veća od 0,5% iznosa prijevremeno oplaćenog leasinga.

Davatelj leasinga ne može zahtjevati naknadu za prijevremeni otplatu ako se otplata vrši tokom perioda za koji je ugovorena promjenjiva nominalna kamatna stopa. Naknada za prijevremenu otplatu leasinga ni u jednom slučaju ne može biti veća od iznosa kamate koju bi Korisnik leasinga platio za vrijeme od dana vraćanja leasinga do dana kada je leasing po ugovoru trebao biti vraćen.

### Pravo na prigovor.

Korisnik leasinga ima pravo na prigovor ukoliko smatra da se Davatelj leasinga ne pridržava obaveza iz zaključenog Ugovora o leasingu, dobrih poslovnih običaja i zakonskih odredbi, može Davatelju leasinga uputiti pisani prigovor neposredno ili dostavljanjem poštom na adresu Davatelja leasinga.

Davatelj leasinga će na prigovor odgovoriti u roku od 30 (trideset) dana računajući od dana zaprimanja istog. Ako Davatelj leasinga u roku iz predhodnog stava ovog člana ne dostavi odgovor na prigovor ili podnosioc prigovora ne bude zadovoljan odgovorom, isti ima pravo o tome pismeno obavijestiti i uložiti prigovor Ombudsmanu koji je uspostavljen u okviru Agencije za bankarstvo F BiH.

Potpisom ovog akta Korisnik leasinga potvrđuje da je upoznat sa pravima i obavezama koje ima kao Korisnik leasinga.

### Pravo Korisnika leasinga da dobije besplatnu kopiju nacrtu Ugovora o finansijskom leasingu.

Korisnik leasinga ima pravo da na zahtjev dobije besplatnu kopiju nacrtu Ugovora o finansijskom leasingu, izuzev ukoliko Davatelj leasinga u vrijeme podnošenja zahtjeva ocjeni da ne postoje uslovi za zasnivanje poslovnog odnosa sa Korisnikom leasinga.

## Informacije o pravima i obavezama Sudužnika/Mjeničnog dužnika (ukoliko postoji)

Sudužnik/ Mjениčni dužnik je lice odgovorno za naplatu svih potraživanja Davatelja leasinga, jednako kao i Korisnik leasinga, te je u obavezama prema Davatelju leasinga nastalim iz zaključenog pravnog posla sa Davateljem leasinga izjednačen sa Korisnikom leasinga (solidarna odgovornost).

Sudužnik/ Mjениčni dužnik odgovora za iznos cjelokupne obaveze kao i Korisnik leasinga, te je Davatelj leasinga ovlašten zahtijevati namirenje obaveza od Sudužnik/ Mjениčnog dužnik u svako doba, bez obaveze prethodnog pokušaja namirenja od Korisnika leasinga. Ispunjenjem obaveze od strane Sudužnika/ Mjениčni dužnik prestaje obaveza i prema Korisniku leasinga, te Sparkasse Leasing nema ovlaštenje vršiti dalju naplatu od Korisnika leasinga.

Na Sudužnike/ Mjениčne dužnike se ne primjenjuju odredbe Zakona o zaštiti žirantata FBiH koje osiguravaju Sudužniku/ Mjениčnom dužniku zaštitu na način na koji je zaštita osigurana žirantima u smislu u naprijed navedenog zakona. Ukoliko je Mjениčni dužnik jedan od instrumenata osiguranja Ugovora o leasingu, Davatelj leasinga će, prema njemu upotrijebiti sve instrumente prinudne naplate isto kao i prema Korisniku leasinga. Ukoliko je Sudužnik jedan od instrumenata osiguranja Ugovora o leasingu, Davatelj leasinga će, prema njemu upotrijebiti sve instrumente prinudne naplate isto kao i prema Korisniku leasinga.

Davatelj leasinga ima obavezu izvršiti procjenu kreditne sposobnosti Sudužnika na osnovu odgovarajuće dokumentacije i podataka dobivenih od Sudužnika uvidom kreditne registre uz pisanu saglasnost Sudužnika i Mjениčnog dužnika kao i iz javnih registara i baza podataka. Davatelj leasinga je dužan informisati i upoznati Sudužnika sa dokumentacijom i podacima pribavljenim u postupku procjene kreditne sposobnosti drugih potpisnika leasing ugovora (npr. Korisnika leasinga, drugih Sudužnika, Jemaca, Mjениčnog dužnika i sl.) samo ukoliko ostali učesnici daju pisanu saglasnost Davatelju leasinga za takvo postupanje, izuzev ukoli takvo saopštavanje nije izričito za branjeno posebnim prinudnim propisima ili takvo saopštavanje nije u suprotnosti sa ciljevima javnog poretka.

U slučaju ispunjenja obaveza prema Davatelju leasinga, Sudužnik ili Mjениčni dužnik ima pravo od Korisnika leasinga da zahtjeva vraćanje uplaćenih iznosa (regresno pravo), osim ukoli nije drugačije ugovoreno ili iz prirode pravnog odnosa Sudužnika i Korisnika leasinga ne proizilazi drugačije. Davatelj leasinga će Sudužnik/ Mjениčnom dužnik na njegov zahtjev izdati potvrdu o svim izvršenim uplatama za račun Korisnika leasinga. Sudužnik/ Mjениčni dužnik koji je ispunio obavezu ima pravo zahtijevati od svakog Sudužnik/ Mjениčnog dužnik da mu naknadi dio obaveze koji pada na njega.

Ukoliko Sudužnik ili Mjениčni dužnik smatra da se Davatelj leasinga ne pridržava obaveza iz zaključenog Ugovora o leasingu, dobrih poslovnih običaja i zakonskih odredbi, može Davatelju leasinga uputiti pisani prigovor neposredno ili dostavljajući ga poštom na adresu Davatelja leasinga. Davatelj leasinga će na prigovor odgovoriti u roku od 30 (trideset) dana računajući od dana zaprimanja istog. Ako Davatelj leasinga u roku iz prethodnog stava ovog člana ne dostavi odgovor na prigovor ili podnosi prigovor ne bude zadovoljan odgovorom, isti ima pravo o tome pismeno obavijestiti i uložiti prigovor Ombudsmanu koji je uspostavljen u okviru Agencije za bankarstvo FBiH. Ombudsman ima mogućnost da, pod uslovima predviđenim važećim propisima, pokrene postupak posredovanja radi vansudskog rješavanja spornog odnosa.

Potpisom ovog akta Sudužnik/ Mjениčni dužnik potvrđuje da je upoznat sa pravima i obavezama koje ima kao Sudužnik/ Mjениčni dužnik.

## Primjer ponude za finansijski leasing za fizička lica u FBiH / putničko vozilo Opel Astra

\* Bruto vrijednost predmeta leasinga (vrijednost sa uključenim PDV-om): 25.000,00 KM.

\* Neto vrijednost predmeta leasinga (vrijednost bez uključenog PDV-a): 21.367,52 KM.

\* Trajanje ugovora: 36 mjeseci.

\* Broj leasing rata: 36, dospjeće leasing rata: mjesečno, iznos pojedine leasing rate: 589,41 KM.

\* Učešće 10 % od neto vrijednosti predmeta leasinga iznosi 2.136,74 KM.

\* Plaćanja prije isporuke predmeta leasinga koja padaju na teret Korisnika leasinga:

- Trošak obrade ugovora bruto: 225,02 KM.

- Trošak upisa zaloga u Registar zaloga bruto: 29,26 KM.

- Ukupan PDV (PDV na vozilo + PDV na kamatu): 3.970,43 KM.

- Učešće: 2.136,74 KM.

- Notarske usluge prema važećoj tarifi (ukoliko je potrebno radi odobravanja leasing finansiranja).

\* Novčane obaveze se ugovaraju u stranoj valuti EUR. Sva plaćanja u korist Davatelja leasinga vrše se u KM (konvertibilnim markama) prema srednjem kursu Centralne banke BiH na dan uplate na transakcijski račun: 199-049-00066554-11.

\* Iznos finansiranja: 19.230,78 KM.

\* Nominalna kamatna stopa je promjenjiva i vezana za šestomjesečni Euribor i iznosi: 6,50 %.

Usklađivanje kamatne stope se vrši dva puta godišnje prema indeksu 6-mjesečnog Euribora i to zadnjeg radnog dana u mjesecu junu i zadnjeg radnog dana u mjesecu decembru. Usklađivanje prema indeksu 6-mjesečnog Euribora će se vršiti do njegove procentualne vrijednosti od 0,00%. Za sve vrijednosti 6-mjesečnog Euribora ispod procentualne vrijednosti 0,00% usklađivanje se neće vršiti.

\* Efektivna kamatna stopa sa PDV-om (iskazani PDV se ne može iskoristiti) iznosi: 32,37%.

\* Efektivna kamatna stopa bez PDV-a (iskazani PDV se može iskoristiti) iznosi: 29,82 %.

U izračun efektivne kamatne stope su uračunati i predviđeni troškovi koje Korisnik leasinga snosi samostalno u toku trajanja Ugovora o finansijskom leasingu, a koji nisu uključeni u otplatni plan ugovora i to:

Trošak registracije: 376,98 KM.

Trošak kasko osiguranja: 2.700,00 KM.

Trošak police obaveznog osiguranja: 1.381,55 KM.

Ovi troškovi su promjenjivi i zavise od zakonskih i dr. promjena, promjene osiguravajuće kuće ili uslova osiguranja i sl.

\* Interkalarna kamata koja je uključena u iskazanu efektivnu kamatnu stopu je izračunata na osnovu parametara:

- iznos finansiranja: 19.230,78 KM

- nominalna kamatna stopa: 6,50%

- simulirani broj dana između plaćanja predmeta leasinga i datuma dospjeća prve leasing rate: 10.

U momentu aktiviranja Ugovora o finansijskom leasingu Davatelj leasinga će nivelisati iznos interkalarne kamate u skladu sa stvarnim brojem dana. Simulirana interkalarna kamata iznosi neto: 33,20 KM. Za razdoblje od doznake iznosa finansiranja dobavljaču do dospjeća prve rate obračunava se interkalarna kamata u iznosu ugovorene kamatne stope.

\* Uslovi korištenja:

Da bi Korisnik leasinga mogao da koristi predmet leasinga potrebno je da:

1. Korisnik leasinga dostavi osnovnu dokumentaciju:

- Potvrda poslodavca o stalnom zaposlenju (original ili ovjerena kopija)

- Isplatne liste plaće za zadnja 3 mjeseca (ili potvrda poslodavca o visini primanja), a za umirovljenike/penzionere odresci o mirovini/penziji za isto razdoblje (original ili ovjerena kopija)

- Popunjen i ovjeren obrazac "Zahtjev za odobrenje leasinga"

- Potpisana leasing ponuda i informacijski list

- Dokaz o dodatnim primanjima, ako ih ima (original ili ovjerena kopija)

- Kopija lične karte (ovjerena kopija)

- Potvrda o mjestu prebivališta / boravišta (ovjerena kopija)

- Ponuda dobavljača za nabavku vozila.

Pored propisane dokumentacije, Davatelj leasinga zadržava pravo da od Korisnika leasinga zahtjeva i dodatnu dokumentaciju i informacije kao uslov za uspostavu poslovne suradnje.

2. Dostavi ugovorena sredstva obezbjeđenja naplate potraživanja.

3. Izvrši plaćanje učešća, troška obrade ugovora, troška upisa zaloga u Registar zaloga, PDV, i bilo koju drugu naknadu u vezi sa Ugovorom o finansijskom leasingu, a u skladu sa dogovorenim uslovima.

4. Korisnik leasinga je dužan o svom trošku, za cjelokupno vrijeme trajanja Ugovora o leasingu, u ime Davatelja leasinga kao korisnika osiguranja zaključiti ugovor o kasko osiguranju putničkog vozila. Za putnička vozila se ugovara puno kasko osiguranje na novonabavnu bruto vrijednost vozila, bez franšiza za štetu ili krađu.

Osiguranje se ugovara i plaća putem posrednika S-Premium d.o.o. Sarajevo. Prije isporuke predmeta leasinga, neophodno je zaključivanje police kasko osiguranja, te plaćanje prve rate ukoli ko je ugovoreno plaćanje u ratama ili plaćanje police u cjelosti.

\* Informativna ponuda za zaključenje Ugovora o finansijskom leasingu, individualizirana po potrebama Korisnika leasinga, koju isti dobija pored ovog informacionog lista, podložna je manjim promjenama i ne obavezuje na zaključenje Ugovora o finansijskom leasingu. Ponuda vrijedi 7 dana.

/mjesto i datum/

/Mastoručni potpis Korisnika leasinga/

/Vlastoručni potpis Sudužnika-Mjениčnog dužnika/